

# **Wobzamknjenja zwjazkowneho předsydstwa Domowiny z dnja 11.09.2010**

## **Konceptija za přihoty 100. róčnicy založenja Domowiny**

Zwjazkowe předsydstwo schwali wot woběrka „Domowina 2012“ předpołożenu koncepciju za přihoty 100. róčnicy založenja Domowiny, kotraž měła so w dobjě přihotow róčnicy po potrebjce dale precizować resp. wudospoňić. Wo stawje přihotow poda so informacija delegatam 15. hłowneje zhromadźizny. W septembru 2011 předpołoży woběrk zwjazkowemu předsydstwu zwjazowacy financny plan.

## **Wólbny porjad za wuzwolenje serbskich zastupjerjow ze Swobodneho stata Sakska do Rady Załožby za serbski lud na dobu 2011 – 2015 / wočakowanja na nich a wutworjenje nachwilneho woběrka**

Zwjazkowe předsydstwo namołwi w serbskich medijach zjawnje k zapodaću namjetow za tute wólby hač do 29. oktobra 2010.

Zwjazkowe předsydstwo schwali wólbny porjad za wuzwolenje serbskich zastupjerjow ze Swobodneho stata Sakska do Rady Załožby za serbski lud za dobu 2011 – 2015. Zwjazkowe předsydstwo powoła na přichodnym wurjadnym posedženju nachwilny woběrk, kiž nawjeduje cyły wólbny proces.

## **Doporučeni za jednanski porjad kaž tež wotběhowy a časowy plan 15. hłowneje zhromadźizny Domowiny**

Zwjazkowe předsydstwo doporuči delegatam 15. hłowneje zhromadźizny Domowiny, wobzamknýć naćiskaj jednanskeho porjada kaž tež wotběhoweho a časowego plana hłowneje zhromadźizny.

## **Protestny list Domowiny na knježerstwa nastupajo wašnje financowanja wotnamakanjow w SLA**

Zwjazkowe předsydstwo schwali protestny list na Zwjazk, Kraj Braniborska a Swobodny stat Sakska, w kotrymž wotpokaza financowanje wotnamakanjow w SLA z běžneho budgeta Załožby za serbski lud a sej žada wot knježerstwow přidatne srědki.

## **Staw džěławosće wustawko-strukturneho woběrka w přihotach na hłownu zhromadźiznu Domowiny a konkluzije z toho**

Zwołanje wurjadneho posedženja zwjazkowneho předsydstwa dnja 20.10.2010 we 18.00 hodź. w Domowinskim domje we Wojerecach.

Jako dnjowy porjad namjetuje so:

- přenje předstajenje doporučenjow za strukturne změny w serbskich institucijach přez džěłowe skupiny Załožby,
- naćisk za změny wustawkow Domowiny
- doskónčny rozsud wo zapožoženju funkcije předsydy
- powołanje wólbneho woběrka za serbskich člonow Załožboweje rady w Sakskej

## **Wobzamknjenja zwjazkowneho předsydstwa Domowiny z dnja 20.10.2010**

**Trěbny rozsud k prašenju přichodneho zapožženja funkcije předsydy Domowiny hladajo na nadawk zašćeje hłowneje zhromadźizny**

Přewjedženje klawsurneho posedženja čłonow zwjazkowneho předsydstwa k zapožženju funkcije předsydy Domowiny. Jako termin namjetuje so sobotu, dnja **27.11.2011 we Wojerecach**.

### **Powołanje nachwilneho wuběrka za wuzwolenje serbskich zastupjerjow ze Sakskeje do Załožboweje rady na dobu 2011 – 2015**

Zwjazkowe předsydstwo Domowiny powoła nachwilny wuběrk w zwisku z wuzwolenjom serbskich zastupjerjow ze Sakskeje do Załožboweje rady na dobu 2011 – 2015 w slědowacej zestawje:

1. Hagerowa, Alenka                      namjetowana wot Župy „Jan Arnošt Smoler“
2. Šmit, Měrko                            namjetowany wot Župy „Michał Hórnik“
3. Cyžowa, Marka                        namjetowana wot Towarstwa Cyrila a Metoda z.t.

Wuběrkownicy měli hnydom swoje dźěło na zakładze schwaleneho wólbneho porjada zahajić a předsydu wuběrka wuzwolić.

## **Wobzamknjenja zwjazkowneho předsydstwa Domowiny z dnja 25.11.2010**

**Kluč delegatow, lisćina hosći a wudospołnjenje wotběhoweho a časoweho plana za 15. hłownu zhromadźiznu Domowiny dnja 26.03.2011 w Delnim Wujezdze**

Zwjazkowe předsydstwo schwali slědowacy kluč delegatow za 15. hłownu zhromadźiznu třěšneho zwjazka: nimo 29 čłonow zwjazkowneho předsydstwa nominuja župy a nadregionalne towarstwa na 50 čłonow jedneho delegata, znajmjeńša pak póscele kóžde sobustawske towarstwo dweju delegatow na hłownu zhromadźiznu.

Doporuči so wšitkim sobustawskim župam a towarstwam, znajmjeńša štwórcinu delegatow w starobje pod 35 lětimi nominować. Přiležaca lisćina wupokaza maksimalnu ličbu delegatow. Hdyž so tuta ličba wot župy/nadregionalneho towarstwa njewučerpa, njeje dowolene, druhej župje/ druhemu towarstwu zbytnje městna k dispoziciji stajić.

Sobustawske župy a towarstwa nominuja hač do kónca januara 2011 svojich delegatow a přepodaja wotpowědnu lisćinu delegatow na zarjad Domowiny.

Zapodate lisćiny delegatow tworja zakład za zwěšćenje přitomnosće na hłownej zhromadźiznje.

Wupady přizjewjenych delegatow chorobnych abo druhich wažnych přičin dla smědža so z naslědnikami narunać.

Zwjazkowe předsydstwo schwali lisćinu oficialnych hosći hłowneje zhromadźizny.

Namjet za wotběhowy a časowy plan 15. hłowneje zhromadźizny Domowiny wudospołni so z dypkom „směrodajny rozsud k přichodnemu zastupnistwu zajimow serbskeho ludu“.

## **Wopodstatnjenje noweje předsydky za wuběrk kultura a wuměłstwo**

Čłonojo zwjazkoweho předsydstwa scěhuja namjetej wuběrka za kulturu a wuměłstwo, schwalić jako nowu předsydku Chrystu Meškankowu. Jako městopředsyda so schwali M. Funka.

## **Wobzamknjenja zwjazkoweho předsydstwa Domowiny z dnja 15.01.2011**

### **Přistajenje naměstnika nawodnicy RCW a jeho powołanje jako wosebiteho zastupjerja po § 30 Byrgarskeho zakonika**

Zwjazkowe předsydstwo Domowiny přistaji na namjet namakanskeje komisije knjeza Měta Nowaka jako naměstnika nawodnicy RCW a zdobom jako nawodu wotnožki RCW za Delnju Łužicu wot 01.05.2011 sem. Zdobom powoła zwjazkowe předsydstwo jeho jako wosebiteho zastupjerja po § 30 Byrgarskeho zakonika. Wón dóstanje prawo, Domowinu samostatnje we wšitkich naležnosćach wotnožki RCW w Delnjeje Łužicy zastupować. Hdyž wón zastupuje nawodnicu RCW, potom płaći tute prawo za cyły RCW.

## **Wobzamknjenja zwjazkoweho předsydstwa Domowiny z dnja 05.02.2011**

### **Koncept za polěpšenje nutřkoweje a wonkoweje komunikacije Domowiny**

1. Zwjazkowe předsydstwo schwali wot wuběrka za komunikaciju předpołożeny koncept za polěpšenje nutřkoweje a wonkoweje komunikacije Domowiny (bjez dypka 6.3.)
2. Koncept přepoda so čłonom zwjazkoweho předsydstwa, čłonom w koncepcje naspomnjenych wuběrkow, županam a předsydam čłonskich towarstwow kaž tež zarjadej Domowiny.
3. Domowina wobhladuje swoje wusměrjenje do přichoda jako centralne prašenje: Wona ma so dorozumić wo swojej perspektiwje a sej krótko- a srjedźodobne zaměry stajić kaž tež dołhodobnu wiziju swojeho přichoda formulować a ju dalewuwiwać.  
Hišće lětsa nastorči zwjazkowe předsydstwo rozmołwy wo tym, hdže ma Domowina za 10 abo 20 lět stać a kajka organizacija ma wona być, zo by wona tež do přichoda spušćomna a připóznata zastupjerka zajimow serbskeho luda była.
4. Wobsahi koncepta zapřijeja so do aktualneje diskusije w přihotach na 15. hłownu zhromadźiznu Domowiny a do jeje wuhódnoćenja.
5. Pod dypkom 2 mjenowani su prošeni w IV. Kwartalu 2011 (najprjedy wuběrkej a potom zwjazkowemu předsydstwu) mjezyrozprawu wo swojim dźěle z konceptom dać.
6. Koncept so po schwalenju medijam předstaji a na internetnej stronje Domowiny wozjewi. K tomu ma so móžnosć za (online-) diskusiju zarjadować.

### **“Naša Domowina” – wudaća w lěće 2011**

Zwjazkowe předsydstwo wza terminy na wědomje a podpěra wudawanje informacijow třěšneho zwjazka “Naša Domowina” z podaćom swójskich přinoškow.

## **Potrjeba digitalneje serbšćiny**

Zwjazkowe předsydstwo Domowiny zasadźuje so za wutworjenje jednotneho rěčneho žórła, kiž staji so zjawnosći za digitalnu kontrolu prawopisa a gramatiki w hornjoserbšćinje a delnjoserbšćinje kaž tež za awtomatiske přełožki do wobeju rěčow k dispoziciji.

Zwjazkowe předsydstwo podpěra wotpowědny projekt Załožby za serbski lud. Wone poruča, při tym dotalne předdžěła, na přikład prawopisnu CD LND abo niedersorbisch.de. zapřijeć.

## **Schwalenje džěłoweho porjada zarjada Domowiny**

Zwjazkowe předsydstwo schwali předležacy džěłowy porjad za přistajenych Domowiny. Rjadowanje a wobchad z personalnymi aktami ma so hišće lětsa nadžěłać a do džěłoweho porjada dodać.

Džěłowy porjad nabywa z džensnišim dnjom płaćiwosć, dotalne porjady njejsu hižo płaćiwe.

## **Powołanje D. Statnika jako nachwilneho předsydu wustawko-strukturneho wuběrka**

Zwjazkowe předsydstwo Domowiny slěduje namjetej wustawko-strukturneho wuběrka a powoła knjeza Dawida Statnika za čas wuwjazanja B. Dyrlicha z funkcije předsydy wustawko-strukturneho wuběrka wotnětko jako nachwilneho předsydu tutoho gremija.

## **Přenje čitanje stejišća Domowiny k strukturnym namjetam džěłowych skupin Załožby za serbski lud**

Zwjazkowe předsydstwo bjerje stejišća swójskich fachowych wuběrkow na wědomje a wutwori k nadžěłanju zjimaneho stejišća Domowiny k strukturnym namjetam džěłowych skupin Załožby za serbski lud redakcisku komisiju w slědowacej zestawje:

- Jan Nuk, Pěť Petrik, Zala Cyžowa, Ch. Meškankowa, Dawid Statnik, Bjarnat Cyž, dr. Beata Brězanowa

Redakciska komisija dóstanje nadawk, hač do 15. februara 2011 wotpowědnu předłohu za posedženje zwjazkowego předsydstwa dnja 05.03.2011 zdžěłać, na kotrymž so stejišćo doskónčnje schwali.

## **Přenje čitanje přidžěłow k rozprawje zwjazkowego předsydstwa**

Zwjazkowe předsydstwo bjerje přidžěła swójskich fachowych wuběrkow na wědomje a wutwori k nadžěłanju zjimaneho naćiska rozprawy zwjazkowego předsydstwa za 15. hłownu zhromadźiznu Domowiny redakcisku komisiju w slědowacej zestawje:

- Jan Nuk, Pěť Petrik, Zala Cyžowa, Ch. Meškankowa, Dawid Statnik, Bjarnat Cyž, dr. Beata Brězanowa

Koordinaciju nadawka přewozmje zarjad.

Naćisk ma so jako předłohu za posedženje zwjazkowego předsydstwa dnja 05.03.2010 přihotować, na kotrymž so rozprawa dóskónčnje schwali.

## **Wuwjazanje dr. Norbergoweje ze sobudžěła w Mjeńšinowej radze Němskeje**

Zwjazkowe předsydstwo Domowiny wotpowěduje próstwje dr. Madlene Norbergoweje k wuwjazanju z funkcije člonki Mjeńšinoweje rady a wupraji jej wutrobny džak za jeje spomóžne prócowanja w tutym zastojnstwje.

Zwjazkowe předsydstwo prosy předsydstwo Župy Dolna Łužyca z.t. za powołanje naslědnika/ naslědnicy za posedženje zwjazkowego předsydstwa po hłownej zhromadźiznje (20.04.2011) kandidata/kandidatku z Delnjeje Łužicy nominować.

## **Wobkrućenje Ch. Meškankoweje jaka nachwilna předsydku woběrka za kulturu, wuměłstwo a wědomosć**

Zwjazkowe předsydstwo Domowiny wobkrući rozsud woběrka za kulturu, wuměłstwo a wědomosć, za čas wotpočowanja čestnohamtskich funkcijow dr. M. Wałdy nachwilnje Chrystu Meškankowu jako předsydku tutoho gremija zasadzić.

## **Wobzamknjenja zwjazkowneho předsydstwa Domowiny z dnja 05.03.2011**

### **Doskónčny namjet za změny wustawkow**

1. Zwjazkowe předsydstwo schwali namjet za změny wustawkow a přepoda jón delegatam 15. hłowneje zhromadźizny k wothłosowanju.
2. Do wothłosowanja měł přednošk předchadžeć, w kotrymž so delegatam 15. hłowneje zhromadźizny wuskutki změn wustawkow přednjesu.
3. Namjetowane změny měli so w předpolu přez medije zjawnosći spřístupnić.

### **Doporučenje nastupajo přichodne zapołoženje funkcije předsydy Domowiny**

Zwjazkowe předsydstwo Domowiny namjetuje jako wobzamknjenje 15. hłowneje zhromadźizny:

1. Wobzamknjenje 14. hłowneje zhromadźizny nastupajo funkcije předsydy njeda so z prawniskich přičin w mjenowanej formje zwoprawdźić. Tohodla ma přichodny předsyda być dale čestnohamtski.
2. Na 16. hłownej zhromadźiznje ma so tworić rozsud, hač chce Domowina funkciju předsydy w formje jednačelskeho předsydy zapołožić.

Zwjazkowe předsydstwo Domowiny modifikuje swój rozsud klawurneho posedženja z dnja 27.11.2010 nastupajo zapołoženja funkcije předsydy na zakładze změny wustawkow. Předsyda měł być na dalšej dvě lět čestnohamtski.

Dalše rozsudy so 15. hłownej zhromadźiznje Domowiny přewostaja.

### **Schwalenje stejišća Domowiny k strukturnym namjetam džěłowych skupinow Załožby za serbski lud**

Zwjazkowe předsydstwo schwali stejišćo Domowiny k strukturnym namjetam džěłowych skupinow Załožby za serbski lud a wočakuje wobkedźbowanje pozicijow Domowiny při tworjenju doskónčnych rozsudow w Załožbowej radže.

### **Rozprawa zwjazkowneho předsydstwa k džěławosći Domowiny w lětomaj 2009 a 2010**

Zwjazkowe předsydstwo schwali rozprawu wo džěławosći Domowiny w dobjě wot 14. hłowneje zhromadźizny w lěće 2009 hač do 15. hłowneje zhromadźizny

Do rozprawy ma so hišće džěławosć Delnjeje Łužicy zadžěłać. J. Wałdźic so zwólniwa wupraji dypk – kubłanske nadawki – předžěłać a wudospoćnić.

## **Financna rozprawa k hospodarskemu lětu 2010 a hospodarskemu planej 2011**

Zwjazkowe předsydstwo zwěsći zakónčenje hospodarskeho lěta 2010. Delegatam 15. hłownje zhrmadźiny předpołozili so zjimana financna rozprawa za lěće 2009 a 2010 k wobkrućenju.

Na jednym z přichodnych posedženjow měł so financny plan za lěto 2011 čłonom zwjazkowego předsydstwa k informaciji předpołožić.

## **Namjet za zestawu redakciskeje a wólbneje komisije**

Zwjazkowe předsydstwo doporuči delegatam 15. hłownje zhrmadźizny kandidatow za wuzwolenje redakciskeje komisije a wólbneje komisije.

Za sobudžěto w redakciskej komisiji namjetuja so dale: Měrćin Mark a Chrysta Elina.

Namjet za redakcisku komisiju so schwali ze slědowacym rezultatom:

Namjet za wólbnu komisiju so schwali.

## **Wobzamknjenja zwjazkowego předsydstwa Domowiny z dnja 16.04.2011**

### **Plan dźěławosće zwjazkowego předsydstwa hač do kónca lěta 2011**

Zwjazkowe předsydstwo schwali plan swojeje dźěławosće hač do kónca lěta 2011 ze slědowacymaj změnomaj:

- 15. rjadne posedženje přesunje so wot 10.09.2011 na **09.09.2011 we 18.00 hodź. w** Choćebuzu (čas dła přepoda so informacija župy Dolna Łužyca čłonom zwjazkowego předsydstwa pisomnje)
- terminje ekskursije zwjazkowego předsydstwa do Slepjanskeho regiona ma so na přichodnym posedženju zwjazkowego předsydstwa dojednać a postajić.

Prezidij dóstanje ndawk, planowane posedženja z pomocu zarjada Domowiny sčasom přihotować.

### **Čežišća zarjadniskeho dźěła w lěće 2011**

Zwjazkowe předsydstwo schwali dźěłowe čežišća zarjada Domowiny za lěto 2011.

Zwjazkowe předsydstwo schwali dźěłowe čežišća Rěčneho centruma WITAJ za lěto 2011.

### **Powołanje do gremijow**

Zwjazkowe předsydstwo Domowiny powoła Kita Elu jako zastupjerja Delnjeje Łužicy do Mjeńšinoweje rady Němskeje.

### **Nominowanje Dawida Statnika do Poradźowaceho wuběrka za prašenja serbskeho ludu po poku Zwjazkowego ministerstwa nutřkowneho**

Zwjazkowe předsydstwo Domowiny nominuje nowowuzwoleneho předsydu Domowiny, Dawida Statnika za sobudžěto w Poradźowacym wuběrku za prašenja serbskeho ludu poboku Zwjazkowego ministerstwa nutřkowneho a prosy wo jeho powołanje do gremija ze stron ministerstwa.

Zwjazkowe předsydstwo wupraji dotalnemu předsydu, Janej Nukej wutrobny dźak za jeho dołholětne angažowane sobudžěto w tutym gremiju.

## **Namjet za rezoluciju lětušeho 56. FUEN-kongresa k sobu- a samopostajowanskim prawam serbskeho ludu**

Zwjazkowe předsydstwo Domowiny předpožiči lětušemu 56. FUEN-kongresej namjet za rezoluciju k sobu- a samopostajowanskim prawam serbskeho ludu a prosy delegatnu zhromadźiznu wo schwalenje.

Delegacija Domowiny dóstanje nadawk, namjet na FUEN-kongresu předstajić a zastupować.

## **Zjawny list nastupajo njepřizwolenja zarjadowanja přichodneho 7. lětnika w Ralbicach**

Zwjazkowe předsydstwo Domowiny - Zwjazk Łužiskich Serbow z. t. je na swoim wuradźowanju dnja 16.04.2011 w Budyšinje na wědomje wzało, zo njepřizwoli so zarjadowanje přichodneho 7. lětnika na Serbskej srjedźnej šuli w Ralbicach. Zwjazkowe předsydstwo Domowiny žada sebi cofnjenje tuteho zarjadniskeho připowědženja Sakskeho kultusoweho ministerstwa.

Tute postupowanje rani artikel 6 wustawy swobodneho stata Sakskeje. Dale njewotpowěduje wotpohlad Europskej charće regionalnych abo mjenšinowych rěčow.

Škit naroda woznamjenja škit rěče. Škit rěče wužaduje sebi wosebite rjadowanje a z tym zachowanje wšitkich serbskich kubłanišćow.

Znowa je postupowanje kultusoweho ministerstwa swobodneho stata Sakskeje znamjo, zo nimaja Serbja prawo słyšenja a sobupostajowanja w kubłanskich naležnosćach, kaž sej to delegaća 15. hłowneje zhromadźizny Domowiny njedawno w Delnim Wujězdze wospjet žadachu.

Zwjazkowe předsydstwo žada sebi zdźerženje wšitkich dotalnych serbskich kubłanišćow a wobstejacych lětnikow.

Njedopušćenje jednotliwych lětnikow wohrožuje zdźerženje serbsčiny w nakromnych regionach a je zdobom kontraproduktiwne za Witaj-hibanje. Z tuteje přičiny wotpokazuje Zwjazkowe předsydstwo kompromis wotměnjaceho zarjadowanja lětnikow mjez nošerjemi šulow.

Zwjazkowe předsydstwo wočakuje w tutej naležnosći krótkodobne wuradźowanje ze zamołwitymi kultusoweho ministerstwa z Domowinu, ze Serbskim šulskim towarstwom, ze Serbskej radu, ze serbskimi zapóslancami krajneho a zwjazkowego sejma, z komunalnymi nošerjemi a wjednikomaj šulow Ralbicy a Worklecy.

## **Wobzamknjenja zwjazkowego předsydstwa Domowiny z dnja 18.06.2011**

### **Wutworjenje wuběrka za prawniske naležnosće na zakładze dypka 5.2. džěłowych směrnicy Domowiny hač do 16. hłowneje zhromadźizny w lěće 2013**

Zwjazkowe předsydstwo powoła na zakładze dypka 5.2 džěłowych směrnicy Domowiny hač do 16. hłowneje zhromadźizny Domowiny w lěće 2013 wuběrka za prawniske naležnosće w slědowacej zestawje:

Pětš Petrik	- městopředsyda Domowiny
Berd Pitkunings	- člon zwjazkowego předsydstwa
Bjarnat Cyž	- jednaćel Domowiny
poradźowarjej wuběrka:	- Katrin Suchec-Džišlawkowa, Stefan Anders
přislušny referent zarjada:	- Werner Sroka

Prěni nadawk wuběrka je wudźěłanje namjeta za stejišćo Domowiny k naćiskej nowelěrowanja Serbskeho zakonja Braniborskeje.

### **Znowakonstituowanje stajnych wuběrkow zwjazkowneho předsydstwa na namjet předsydy Domowiny**

Zwjazkowe předsydstwo dźakuje so za dotalne dźěło a wuwjaza slědowace wosoby ze sobustawstwa stajnych dźěłowych wuběrkow Domowiny:

Ludmila Budarjowa	Kubłanski wuběrk
Cyril Šořta	Kubłanski wuběrk
Angela Šurmanowa	Kubłanski wuběrk
Katrin Suchec-Dźišlawkowa	Kubłanski wuběrk
Michał Wařda	Kubłanski wuběrk
Rene Wjacławak	Kubłanski wuběrk
Domenico Gruhn	Młodźinski wuběrk
Michał Cyž	Młodźinski wuběrk
Roman Grzyb	Wuběrk za komunikaciju
Pětr Wařda	Wuběrk za hospodarstwo, turizm a sport
Maria Kobjelina	Wuběrk za kulturu, wuměłstwo a wědomosć
Detlef Kobjela	Wuběrk za kulturu, wuměłstwo a wědomosć
Wolfgang Kotissek	Wuběrk za kulturu, wuměłstwo a wědomosć
Dr. Měrcin Wařda	Wuběrk za kulturu, wuměłstwo a wědomosć
Dawid Statnik	Wuběrk za kulturu, wuměłstwo a wědomosć
Joachim Glücklich	Wustawko-strukturny wuběrk
Jan Nuk	Wustawko-strukturny wuběrk
Katrin Suchec-Dźišlawkowa	Wustawko-strukturny wuběrk

Zwjazkowe předsydstwo wita a powoła slědowace wosoby do sobustawstwa stajnych dźěłowych wuběrkow Domowiny:

Joachim Glücklich	Kubłanski wuběrk
Dr. Beata Brězanowa	Kubłanski wuběrk
Diana Wowčerjowa	Kubłanski wuběrk
Judit Šořćic	Młodźinski wuběrk
Katharina Jurkowa	Młodźinski wuběrk
Franciska Sopic	Młodźinski wuběrk
Sieghard Kozel	Wuběrk za kulturu, wuměłstwo a wědomosć

Zwjazkowe předsydstwo powoła slědowacych jako wjednikow/wjednicow stajnych dźěłowych wuběrkow Domowiny:

Dr. Beata Brězanowa	Kubłanski wuběrk
Roman Grzyb	Młodźinski wuběrk
Zala Cyžowa	Wuběrk za komunikaciju
Pěťš Petrik	Wuběrk za hospodarstwo, turizm a sport
Chrysta Meškankowa	Wuběrk za kulturu, wuměłstwo a wědomosć

Zwjazkowe předsydstwo powoła slědowacych přistajenych Domowiny / wotrjada RCW jako přislušnych zamołwitych zarjada za stajne dźěłowe wuběrki Domowiny:

Michaelis Korjeńkowa  
Katharina Jurkowa  
Borbora Felberowa  
Marko Kowar  
Jurij Łuščanski  
Werner Sroka

Kubłanski wuběrk  
Młodźinski wuběrk  
Wuběrk za komunikaciju  
Wuběrk za gospodarstwo, turizm a sport  
Wuběrk za kulturu, wuměłstwo a wědomosć  
Wustawko-strukturny wuběrk

Zwjazkowe předsydstwo powoła Bjarnata Cyža jako předsydu wuběrka „Domowina 2012“.  
Dale powoła Zwjazkowe předsydstwo Wenera Sroku jako přisłušneho zamołwiteho zarjada za wuběrk „Domowina 2012“.

### **Změny jednanskeho porjada zwjazkowego předsydstwa na zakładze nowych wustawkow Domowiny a dalších namjetow prezidija**

Zwjazkowe předsydstwo schwali na zakładze změnenych wustawkow Domowiny a na namjet swojeho prezidija změny swójskeho jednanskeho porjada, kotrež nabudu hnydom płaćiwosć.

### **Jednanski porjad prezidija zwjazkowego předsydstwa**

Zwjazkowe předsydstwo schwali jednanski porjad swojeho prezidija, kiž wotnětka płaći.

### **Namjet za interne registrowanje kóždeho čłona-jednotliwca třěšneho zwjazka w zwisku z płaćenjom zawěšćenskeho přinoška**

Zwjazkowe předsydstwo doporuči wšitkim Domowinskim skupinam, towarstwam, župam a nadregionalnym specifiskim towarstwam přistup k zawěšćenskemu zrěčenju Domowiny, z kotrymž zarunaja so škody napřećo třecim přez towarstwowe skutkowanje (Vereinshaftpflichtversicherung). Přistup ma so lětnje přez zapodatu lisćinu čłonow z mjenom a předmjenom a wotwjedženjom přinoška (0,80 € na čłona) wobkrućić.